

ՓՈՐՁԱՇՐՋԱՆ

5 հարցերի կարճ պատասխաններ

1 Ի՞նչ է փորձաշրջանը:

Փորձաշրջանը այն **ժամանակահատվածն է**, որը նախատեսված է տվյալ աշխատանքին կամ պաշտոնին աշխատողի **համապատասխանությունը ստուգելու/որոշելու համար**: Փորձաշրջանը կարող է սահմանվել գործատուի կողմից, աշխատողի ցանկությամբ կամ կողմերի փոխադարձ համաձայնությամբ աշխատանքային պայմանագրի կնքման ժամանակ: Ընդ որում, փորձաշրջանի մասին պայմանները սահմանում են **աշխատանքային պայմանագրով** և այդ ժամանակահատվածում աշխատողն ունի օրենսդրությամբ իրեն տրված բոլոր իրավունքներն ու պարտականությունները:



2 Որքան է տևում փորձաշրջանը:

Երեք ամիս, բացառությամբ ՀՀ օրենսդրությամբ հատուկ նախատեսված դեպքերի, երբ փորձաշրջանը կարող է սահմանվել **մինչև տասներկու ամիս ժամկետով**:

3 Ո՞ր դեպքերում փորձաշրջան առհասարակ չի կարող նախատեսվել:

Փորձաշրջան չի կարող նախատեսվել, եթե աշխատանքի են ընդունվում՝

- ա) **տասնութ տարին չլրացած անձինք** կամ մասնագիտական կրթության և ուսուցման ծրագրով աշխատանքի վրա հիմնված ուսումնառության շրջանակում սահմանված որոշակի աշխատանք կատարող սովորողները,
- բ) **ընտրովի պաշտոն զբաղեցնողները**, ինչպես նաև պաշտոնի նշանակման համար որակավորման քննություններ հանձնած կամ գործատուի մոտ կամ գործատուի նախաձեռնությամբ այլ վայրում ուսուցում անցած անձինք,
- գ) գործատուների փոխադարձ համաձայնությամբ այլ աշխատանքի փոխադրվող անձինք,
- դ) **օրենսդրությամբ նախատեսված այլ դեպքերում**:




4 Ինչո՞ւ է կարևոր ուշադրություն դարձնել, թե ում կողմից է սահմանվել փորձաշրջանը:

Եթե փորձաշրջանը **սահմանվել է գործատուի կողմից**, ապա փորձաշրջանի արդյունքները գնահատում է գործատուն: Հետևաբար, եթե փորձաշրջանի արդյունքներով աշխատողը չի համապատասխանում աշխատանքին կամ պաշտոնին առաջադրված պահանջներին, ապա գործատուն կարող է աշխատանքից ազատել աշխատողին այդ մասին **3 օր առաջ գրավոր ձևով ծանուցելով նրան**:

Եթե փորձաշրջանը սահմանվել է **աշխատողի կողմից**, ապա փորձաշրջանի արդյունքները գնահատում է աշխատողը: Հետևաբար, փորձաշրջանի ընթացքում աշխատողն իրավունք ունի լուծելու աշխատանքային պայմանագիրը այդ մասին **3 օր առաջ գրավոր ձևով ծանուցելով գործատուին**:

Եթե փորձաշրջանը սահմանվել է **կողմերի փոխադարձ համաձայնությամբ**, ապա ն աշխատողը, ն գործատուն իրավունք ունեն փորձաշրջանի ժամկետում լուծելու աշխատանքային պայմանագիրը **նախապես 3 օր առաջ ծանուցելով մյուս կողմին**:



5 Ի՞նչ է տեղի ունենում, երբ փորձաշրջանի ժամկետից հետո աշխատողը շարունակում է աշխատել:

Այդ պարագայում նա համարվում է **փորձաշրջանն անցած**, կնքված աշխատանքային **պայմանագրի գործողությունը շարունակվում է**, և գործատուն կարող է նրա հետ աշխատանքային պայմանագիրը լուծել միայն աշխատանքային օրենսգրքի 109-րդ հոդվածի 1-ին մասով սահմանված աշխատանքային պայմանագրի լուծման հիմքերով:

